

ԿՐՕՆԱԳԻՏԱԿԱՆ

**Տ. ՄԿՐՏԻՉ ԵՊԻՍԿՈՊՈՍ ՊՌՈՇՅԱՆԻ ՔԱՐՈՁԸ՝
ԽՈՍՎԱԾ Ս. ԷԶՄԻԱԾՆԻ ՄԱՅՐ ՏԱՃԱՐՈՒՄ
Ս. ՂԵԻՈՆԴՅԱՆՑ ՔԱՀԱՆԱՅԻՑ ՏՈՆԻ
ԵՒ ՔԱՀԱՆԱՅԱԿԱՆ ՁԵՌՆԱԴՐՈՒԹՅԱՆ ԱՌԻԹՈՎ**
(2 փետրվարի, 2016)

Յանուն Հոր և Որդւոյ և Հոգւոյն Սրբոյ. ամէն:

*«Ում Հոգիները թուլացած են երկնավոր առաքինութիւնից,
սաստիկ երկյուղի մեջ են, ամեն Հոգմից շարժվում են,
ամեն խոսքից վրդովվում եւ ամեն բանից դողում...» :*
Ս. Եղիշե

Սիրելի՛ Վեհափառ Տեր, Գերաշնորհ Սրբազան Հայրեր, Հոգեշնորհ Հայր Սուրբեր, Արժանապատի՛վ Քահանաներ, բարեպա՛շտ հայորդիներ.

Այս օրերին Հայ Եկեղեցին իր աշխարհասփյուռ Սուրբ խորաններից հիշատակում, պատմում, ոգեկոչում է հայ ժողովրդի պատմության ամենակարևոր իրադարձություններից մեկը, որ Եղիշեի ոսկեդենիկ խոսքերով բնութագրվում է իբրեւ *«պարերազմ Հայոց՝ պարերազմ վասն հաւատոյ, վասն Հայրենեաց»*:

Երբ ազգային Եկեղեցին, որ հայի հոգու կենդանարար գործությունն է, ոչ միայն սրբադատում, դարեր շարունակ չթուլացող շեշտադրությամբ հիշատակում, այլև շարունակում է անձանձիր տոնախմբել իր ժողովրդի պատմության եղելություններից մեկը, նշանակում է՝ կատարվածը կարևորագույն խորհուրդ ունի, առնչվում է ազգի գոյության բուն էությանը, նրա

սրտին, ինքնությանը, դրանով նախանշվում է տվյալ տեսակի լինել-չլինելու շավիղը, ապրելու եւ մեռնելու ճանապարհը, կյանքի ու մահվան ուղին:

Երբ ազգային Եկեղեցին, իր մտքի եւ հոգու մեջ ծրարած *Ավարայրի ողին*, ո՛չ թե մեկ, այլ երկո՛ւ տոների միջոցով, անընդմիջաբար եւ սերնդեսերունդ չհնացող պատգամ է հաղորդում իր ուստրերին ու դուստրերին, ապա պատվիրում խոսել այդ մասին՝ աստվածաշնչյան խոսքերով ասած՝ *«թե՛ Եկեղեցում, թե՛ տանը, թե՛ ճանապարհ գնալիս, թե՛ պտուկելիս ու թե՛ վեր կենալիս...»* (հմմտ. Բ. Օր. Զ. 6-7), ուրեմն, անհրաժեշտ է ունկնդիր լինել այդ ձայնին, մոտենալ, մերձենալ, հպվել անհատի եւ ազգի համար գերակա այդ գաղափարին: Եւ սա պետք է հասկանալ:

Իսկ այսօր, այս Սուրբ Տաճարում, ուխտով միաբանվածներին համար օրվա խորհուրդը երիցս կարեւորվում է, երբ ազգիս Հայրապետի ստեղծարար իմաստնությամբ Սրբոց Դեոնոյանց քահանայից տոնին զուգակցվում է ձեռնադրության սրբազան խորհուրդը, որին աղոթակից են դառնում Հայաստանի եւ Արցախի քահանայից համորեն դասերը՝ իրենց առաջնորդ Սրբազան Հայրերի հետ միասին:

Յուրաքանչյուր անհատ, ազգ կամ հասարակություն իր գերակա գաղափարն ունի, այս աշխարհում ապրելու իր բանաձեւը: Գարեգին Հովսեփյանցը այն բնութագրում է այսպես. *«Գերակա գաղափարն այն լուսավոր նպատակն է, որին ձգտել է կամենում անհատը, հասարակությունը կամ ազգը: Առանց գերակայի՝ կյանքը մեռելությունն, անիմաստ դատարկություն կլինեւր... Մեր կյանքն անխորհուրդ կլինեւր, մի անլույս լապտեր կդառնար առանց այդ ձգտման»:*

Իսկապես, մեր կյանքն անխորհուրդ կդառնար, մի անհույս լապտեր, եթե Սրբոց Դեոնոյանց արյունով օծյալ ոգու կենարար գաղափարականը չդառնար մեր հավաքական՝ ազգային հոգու կենսատու ավյունը:

Պատմության հոլովույթում մեր հայրերի, իսկ այսօր *«մեր հոգիները թուլացած, տկարացած եւ սաստիկ երկյուղած կլինեին եւ ամեն հողմից կշարժվեին եւ ամեն խոսքից կվրդովվեին եւ ամեն բանից կողոլային»*, եթե չհասկանայինք, որ մեր անցավոր կյանքից ու մահից հետո զարթնումի եւ վերակենդանացման հույսի իրականությունը կա: Ասել է թե պետք է վախենալ ոչ թե մահից՝, այլ՝ թե ինչ է լինում մարդու հետ մահվանից հետո: Մահը, որ մարդկային կյանքի թերեւս ամենամեծ չարիքն է, դադարում է այդպիսին լինելուց. կյանք մահից հետո՝ հավատքի վկայված երաշխիքով: Մահը ոչ միայն սկիզբ չէ, այլեւ վերջ չէ: Իսկ եթե մահը մի բան է, որ հանդիպում է մեզ մեր կյանքի ո՛չ սկզբում եւ ո՛չ էլ վերջում, ուրեմն մահն

ինքնին վերջավոր է՝ մարդուն շնորհված անմահությանն առերեսվելիս: Մահն ինքնին մահանալու վախ ունի: Մահն ինքնին մահվան ենթակա է: Ուրեմն, *«մահվանից չի վախենում նա, որ գիտի, թե ի՞նչ է մահը, եւ վախենում է նա, որ չգիտի, թե ի՞նչ է մահը»*: Մենք, որ կյանքում մեկ անգամ ենք հանդիպում մահվանն ու թողնում նրան կես ճանապարհին, ըստ էության, հաղթում ենք նրան: Ուրեմն մենք կա՛նք, իսկ մահը չկա՛: Քանզի կա Նա, որ հավիտենապես մեզ հետ է, համաձայն Իր անսուտ խոսքի, թե՛ *«Ահաւասիկ Ես ընդ ձեզ եմ...»* (Մատթ. ԻԸ. 21): Նա է Այբ-ը եւ Քե-ն՝ Սկիզբն ու Վախճանը (Հայտ. Ա. 10): Քրիստոս է, որ հանուն մարդկության հանդեպ ունեցած սիրո՝ *«մահուամբ գնահ կոխեաց»*:

Սրբոց Դեոնոյանց համար ա՛յս հավատն էր եւ այդ հավատը Շնորհողի հանդեպ սերը, որ գորացրեց նրանց՝ տկարացնելով մահվան երկյուղը, գրկեց մահվանն իր գործությունից, իր զարհուրեցնող ներկայությունից, պարզ ու վճիտ պահեց նրանց մտքի տեսողությունը, եւ *«խաւար Կոքիւրութեան նոցա ոչ եղև հասու»* (հմմտ. Յովհ. Ա. 5):

Այս հավատն էր եւ այդ հավատը Ներշնչողի նկատմամբ սերը, որ բարբառել էր տալիս քաղցրախոս Եղիշեին. *«Եթե Նա Իր անմահությունը չինայեց, մենք էլ, որ մեր կամքով մահկանացու դարձանք, մեր կամքով էլ կմեռնենք, որպեսզի Քրիստոս հոժարությամբ ընդունի մեզ անմահության մեջ»*:

Այս հավատն էր եւ այդ հավատը Ներշնչողի նկատմամբ սերը, որ կարգախոս ուներ. *«Եթե նույնիսկ անմահ լինեիրք, եւ պետք լիներ մեռնել վասն սիրուն Քրիստոսի, արժան էր»*:

Այս հավատն էր եւ այդ հավատը Ներշնչողի նկատմամբ սերը, որ ապրելուց ըղձալի դարձրեց մեռնելը, մահվան դառնությունը քաղցրացրեց իր ներկայության անուշությամբ եւ *«մահկանացուների մահն իբրեւ անմահների մահ»* ընդունվեց:

Այս հավատն էր եւ այդ հավատը Ներշնչողի նկատմամբ կատարյալ սերը, որ ցայսօր եւ հավետ *«մերժում է երկյուղը»* (Ա. Հովհ. Դ. 18), *«ամեն բանի դիմանում է, ամեն բանի հավատում է, մշտապես հույս է տածում, ամեն բանի համբերում»* (Ա. Կորնթ. ԺԳ. 7) եւ դառնում երաշխիք փրկության:

Վեհափա՛ն Տեր, այս հավատով եւ այդ հավատը Ներշնչողի հանդեպ սիրով է, որ այս նվիրական օրը Ձերդ Սրբության նկատմամբ երախտագետ եւ որդիական սիրով լցվածներս խմբվել ենք Միաճնաէջ Սուրբ Եկեղեցում՝ ներկա գտնվելու խորախորհուրդ արարողությանը, հրնթացս

որի քահանայական օծման արժանացան մերօրյա դեոնոտները: Լիառույս ենք, որ *«նրանց հոգիները թափուր չեն երկնավոր առաքիներությունից»*, ուստի աներկյուղ են՝ *«ամեն հողմից չեն շարժվում, և ամեն խոսքից չեն վրդովվում, ամեն քանից չեն դողում»*, քանզի ինչպես *«նրանց հոգին է մեծ մարմնից, այնպես և նրանց մերքի տեսողությունն է մեծ մարմնի տեսողությունից»*: Հավատում ենք, որ նրանց առաջնորդելու է Ղեկնդյանց Սուրբ Քահանաների մեծաշունչ ոգին և *«անմոռնչ հեծությամբ»* անընդհատ կրթելու է նրանց այն աստվածային իմաստությամբ, ըստ որի՝ *«հոգին է կենդանաբար, և մարմին ինչ ոչ օգնէ»* (Յովհ. Զ. 64):

Սիրելի՛ նորած քահանաներ, հոգեւոր եղբայրներ, 451-ից ցայսօր աշխարհը շատ չի փոխվել, որովհետև անցողիկ աշխարհի իշխանը՝ բանասարկուն, ստի հայրը, չի փոխվել՝ պարզապես դարձել է առավել անընթեռնելի և փորձառու: Իսկ սա նշանակում է, որ մենք ձեզ *«ուղարկում ենք աշխարհ՝ որպես գառներ գայլերի մեջ: Այսուհետև խորագետք եղեք օձերի պես և միսմիր աղավինների նման: Զգուշացե՛ք մարդկանցից, որովհետև պիտի մալինեն ձեզ ալյանների և պիտի տանջեն ձեզ իրենց ժողովարաններում .. Իմ պարճատով»* (Մատթ. Ժ. 16-17):

Սիրելի՛ նորած քահանաներ, այսօր Սուրբ Եկեղեցու ճշմարտությանը հակառակ են կյանքի որոշ սկզբունքներ, որոնք ժամանակի ընթացքում աներևույթ կերպով ներխուժել են մեր կենցաղ, ինչպես այն ժամանակ մագդեգական կրոնն էր ներխուժում Հայաստան՝ ցանկանալով զրկել մեզ Քրիստոսի հավատից:

Այսօրվա նյութապաշտ աշխարհում՝ նրանց համար, *«ում հոգիները թուլացած են երկնավոր առաքիներությունից»*, ճշմարտությունը միայն այն է, ինչ իրենց է դուր գալիս, ինչ իրենք են ճշմարտություն համարում: *«Ինքնուրացությունը փոխարինելով ինքնահասարակարմամբ, իսկ խոնարհ հնազանդությունը՝ հպարտ կամայականությամբ, - ինչպես ասում է Իվարիոն արք. Տրոյիցկին, - այս դատարկախոսներն ու միտք պղտորողները (հմմտ. Տիտ. Ա. 10) ամեն ինչի մասին դալում են համարձակ ու ինքնավարահ և, որպես կանոն, մեծավ մասամբ չեն հասկանում, թե ինչի մասին են խոսում: Հարկապես սա հարակ էրևում է հավատին և Ս. Եկեղեցուն վերաբերող հարցերում: Այսպիսիներն իրենց նյութականի համար միջոցներ են հայթայթում բացառապես մեր Սուրբ Եկեղեցուն և իր սպասավորներին փնտլելու ճանապարհով: Եկեղեցուն առնչվող ամեն երևույթի կապակցությամբ արված զրպարությունը շարերի համար դարձել է պարզապես շահաբեր արհեստ»*: Սակայն ցավալին այս չէ, այլ այն, որ այդ ակն-



«Եթե Նա Իր անմահությունը չխնայեց, մենք էլ, որ մեր կամքով մահկանացու դարձանք, մեր կամքով էլ կմեռնենք, որպեսզի Քրիստոս հոժարությամբ ընդունի մեզ անմահության մեջ» (Ս. Եղիշե)



Սիրելի նորած քահանաներ... մենք ձեզ «ուղարկում ենք աշխարհի որպես գառներ գայլերի մեջ: Այսուհետև խորագետ եղեք օձերի պես եւ միամիտ աղավնիների նման: Զգուշացե՛ք մարդկանցից, որովհետև պիտի մատնեն ձեզ առյանների եւ պիտի տանջեն ձեզ իրենց ժողովարաններում... Իմ պատճառով» (Մատթ. Ժ. 16-17):



Որք համբարձայք ի կաճառս սերովբեից եւ ի դասս քերովբեից.
բարեխօսեցէք առ Տէր վասն անձանց մերոց ըվ Սուրբ Դեոնդեանք
(Շարական)



Ս. Դեոնդեանց քահանայից հիշատակության օրվա առիթով Ս. Էջմիածնի
Մայր Տաճարում, ձեռամբ Տ. Մկրտիչ եպս. Պողոսյանի, քահանայական շնորհի
արժանացած նվիրյալները Վեհափառ Հայրապետի հետ

հայտ կեղծիքին առանց կասկածի հավատում են նույնիսկ նրանք, ովքեր իրենց ճշմարիտ քրիստոնյա են նկատում: Ուրեմն, աշխարհը նույնն է մնացել, պարզապես փոխվել են դեպքերն ու դեմքերը, միջոցներն ու մարտավարական եղանակները: Սա եւս հասկանալ է պետք:

Հա՛յ Առաքելական մեր Սուրբ Եկեղեցու՝ ավագ, կրտսեր քահանա եղբայրներ, որ այսօր միաբանվել եք Սրբոց Դեոնոդյանց ոգեկոչման այս նվիրական տոնին վերանորոգելու մեր Ուխտը, մեզ շրջապատող այս նույն խաբեպատիր եւ կեղծիքներով լեցուն աշխարհում, *«ստանց մեր քաջությանը վախկոկությունն խառնելու»*, քայլե՛նք առաջ՝ Քրիստոսից ավանդված եւ Ավարայրից ժառանգություն ստացած հավատի ու արիության ճշմարտության լապտերը ձեռքներիս: *«Վրանգավոր է եղել եւ է մեր ճանապարհը՝ անդունդների եւ ծերայերի վրայով, բայց եղել է միշտ դեպի վեր, որովհետեւ թե՛ մեր Տերը եւ թե՛ մեր նախնիք այդ ճանապարհով են անցել, իսկ այդ ճանապարհը կյանքի եւ փրկության ճանապարհն է մահվան զորության ճիրաններից»* (Գարեգին Հովսեփյանց):

«Եւ այս ամենից հետո թող բոլորին պարզ լինի, որ մեր հավատի ուխտը ո՛չ թե մարդու հետ է, որ երեխայի նման խաբվենք, այլ Աստծու հետ՝ անլուծանելի կերպով, որն անհնար է քանդել ու հեռանալ. ո՛չ այժմ եւ ո՛չ հետո, ո՛չ հավիտյանս եւ ո՛չ հավիտյաններից հավիտյանս. ամեն» (Ս. Եղիշե):

